

[www.BibleForChildren.org](http://www.BibleForChildren.org)

# Ma:tiu 26



Koane Helepa:pe  
Matanema:na:pela:  
Tikinima:na:pela: ikila  
tekapeipe epesita: Yesu  
Petani koamesa: hapakeye.  
Hanapola: Lasalase kuluwa  
Yesuyewi mene teisa:pe  
elakemi koane Yesuwa  
hapakeye.



Aputa: Meliyewi  
potolowemi nano  
ikumu hosonosene  
unuwa nate selawa tiyapola:  
inapola:, Yesu onatuwemi nano  
noiya ikumu moweni sosolo  
wa:la:yawa suluse,  
Meliyewi e pisei fayewi  
helakeye. Helapita:, koane we sopolo  
suwemi nano noiya ikumu hoseya  
woliyetikeye.



Sena kukulupe hanosene semetei nowa unuwa Yutase Isekeliotekeye. Ewa pilisiti sena sosolo sitala emi Yesu sihelelema:na:pela: selapose hapakeye. Hanapola: selapita: iyewi epelese ta:tapola: ema selese, "Niyewi kema moweni miya:na:keye," au seyakeye.

Au selapita: Yutaseyewi matanese, "Yesu ko:lu sihelelema:na:na?"

Aluse matanepela: Yesu sihelelema:na: isu keyakeye.



Aluse Yesuyewi sekepilapita:, solo  
amowa kaluse kulu hanose sena  
ilipe hanosewa hanapola: ma:na:  
ma:na:wa kekene tiye tiye tikeye.  
Iyewi ma:na: na:sela: ka:la:lopela:ne  
ikila emi Yesuyewi falawa tiyapola:  
Kotema napolo esa: kulukululakeye.  
Kulukuluse kotetipela: Eyewi  
falawawa tiyapola:  
pasoloyetiye, E  
sena ilipe  
hanosema  
kinapola: selese,  
"Falawa we kiyewi  
tiyapola: maiya."



"Weyamowa Ne tomakeye," au  
seyakeye. Aputa: kapo hano  
tiyapola: Kotema napolo esa:  
kulukulupela: kotetipela: ima kinise  
selese, "Kiyawa sopoke maiya. Waine  
hano we Ne pepetakeye. Koteyewi  
sena kesalewalapulu hili sepapowa  
matanemita:, Ne pepeta hapawa  
akeye. Sena kesale  
mutayewi  
mane  
olokeyatelawa  
pepeta  
amoke  
kepoliyetiyaposakeye."




Aputa: Yesuyewi selese, "Saimone, Saimone, ta:ta:pa:  
Setene eyawa Kotema penanose ta:potose witi tapo  
katalese henewa tise taka iya:tesene epapuluse kiwa  
auma:na: e seyakeye."



"Alawamona, Neyawa kewamo matanese Kotema kulukululakeye. Kulukulusekiwa ke seli topuwa sutesima:pikise. Aputa: kewa me notoloyetiye mene inisekiwa, keyawa ke ma:ela:yewi seli topuwa keyewi talapa:walopesakeye."



Aputa: Pitayewi Ema mene selese, "Sena Sosolo, newa Kewalapulu tipolo koane ha:na:na: seli tiye elakeye. Apula: newa Kewalapulu kuma:na:pela: seli tiye elakeye." Aputa: Eyewi selese, "Pita, Neyawa kema selakeye. Napu emiwa kokono kalosene seta: kayama elapita:, keyawa Newa eta: potosemakeye esekiwa usulupe selaposakeye."



Yesuwa sena ilipe  
hanosewanapulu Kesemene  
peleya: emi hanose,  
Yesuyewi ima selese,  
"Kiwa weyemi ka:la:loma.  
Newa kolotea hanapola:  
kulukuluma:na:keye."  
Kulukuluse selese, "Ni  
Atao, Keyawa nano sopoke  
timiyawa ili tesekeye. Alake  
Keyawa kapo nano hilila Nema  
miwa elaka Keyawa iya:ta:pa:,  
aluse Neyewi matanekeye.  
Alawamona Ne  
matanawamunuse aupa. Ke  
matanawamunuse aupa:"



Potosenase alekenawemi Lome kamani ami  
senayawana, apula: Kote koane ta:le ti sena potapola:  
sita:newana Yutaseyewi siliye hapakeye. Aputa:  
puwano pilisiti senayeliye Felesi sena iyewi  
ta:le ti senama selese, "Kiwa  
Yutasewalapulu papela: ha:na:pa:."  
Apula: iwa Yutaseyewi  
siliyapola:, Yesuwa  
sihelelema:na:ke alekenawemi  
hanapola:, iyewi tetesene  
keteawa tiyapola:, napa  
tutapola:, apula: kotea tu tiye  
aluse hapakeye.



Aputa: Ewamo kulu hanosene sena semetei nowamoke sapa senato elipei mina amoke pilisiti piseiki sena sosolo amo tima:na: tisene sena kena: ilitapowa aloye tikeye. Alawamona, Yesuyewi mene selese, "Mane keyewi epe timiniseya iya:pa!" e seyakeye. Aputa: Yesuyewi tima:na: tisene sena amo kena:wemi kesakamake e kena:wa napolo me telakeye.



Aputa: sena muta mina amoke putupela: hanapita:  
Yesuwala siliyapola: pilisiti piseiki sena amo koane  
suwemi siliye hapakeye. Aputa: Pitawa sikape  
pama komemi halute  
iwamo kulule hapakeye.



Kulu tiye ine potakamake, sena nokamoke pilisiti  
piseiki sena koanewemi tese sine sipa:lesene pakiya  
honosanewemi teiwa kititiyapola: ka:la:lopela:  
sita:lapita: potapola: Pita  
ewala ilipe kemi ine  
heyakeye.



Aputa: pilisiti sena  
puwano tima:na: tisene  
sena e kena:wa Pitayewi  
aloyeti iya:peya e  
manayewi selese, "Kewa  
i olife alekenawemi  
Ewalapulu elapita: Neye  
papowa Kewama?" Au selapita:  
Pitayewi wa:ke mokopo selese,  
"Nemakeye." Au selapita:, ikila  
emiwa a:nema: kokonowa kayakeye.  
Amo matanese ewa hematapo  
fatemi hanapola: ya:lawa ilima  
telakeye.




Au selapita: ta:tapola:, sena muta  
sopoke iwa tesitiyapola: Yesuwa  
siliyapola: Pailete salo hapakeye.  
Aputa: Pailete eyewi Yesuma  
ta:potose, "Yu sena  
kiniwa Keya?"



Aputa: Eyewi ema mene selese, "Kine epe seleseya kakeye," e seya. Aputa: Pailete eyawa Yesuwa iya:pa:na: matanese ima wa:ke me seyakeye. Alawamona, iyewi unuwapo holose selese, "Ewa i kelipa:peyawemi ikokoyewi fe oma! Ewa i kelipa:peyawemi ikokoyewi fe oma!"



Alanase Pailateyewi ene ami senama selese, "Yesuwa i kelipapoya pamita: siliye hamona." Aputa: iyewi Yesuwa siliye hapakeye. Yesu siliye hanapola: i kelipapowa Yesuyewi Ene tiyapola: hapakeye. Hanapola: pisei ki peleya: emi hanapola: sita:nekeye. Peleya: amowa Hipulu solopela:la: unuwapowa Kokata peleya:keye.



Peleya: emi Yesuwa i kelipapoya palese  
kepeyakeye. Kepela: sena elipei amowala  
i palese, nowa Yesu tiya: ili tapowemi  
kepeyakeye.


Nowa Yesu tiya:  
hukalo tapowemi  
kepeyakeye.

Kepela: Yesuwa  
honosane  
kepeyakeye.



Ko:yawemiye, ho:liya weyamo oka eta: ho:liyama  
enekeye. Aputa: Kote koane sulu sao teya amowa  
honosane keseleye tikeye. Aputa: Yesuyewi unuwapo  
penaiya holose selese, "Ni Ata, Ne ho  
amowa ke tiya:wemi kinakeye."

Au selapola:, Ewa a  
hepa:la:newa ke ulutikeye.



Alamatia sena Yosepewa ewa Felesi  
senawanapulu Kote solo ele  
walosene sena alapulu ilipe  
kekenepela: tima:na:  
tisekeye. Tima:na:  
timinise e unuwa  
sosolo telakeye.  
Aputa: Koteyewi  
Piseikipela: pota:

epesene ikila amowa  
hetetimita: Yosepe  
yesipela: enekeye.  
Eyewi matanese,  
"Napu ka:le opo  
sinakemiwa napu  
yopolotelawemi ha:le  
tesene ikilawa ma:ta:  
tiyaposakeye."



Ma:ta: tima:na:nase ha:le tema:na:ke  
yemiwa nano sopoke tiyapola:  
kekenanakeye." Aluse  
matanepela: eyewi  
tutumanose eta: ipilamake  
Pailate ela hanapola:  
selese, "Yesu kuluwa  
apana tuwapa:na:  
neyewi tiyapola:  
ha:na:na:wa  
ililapa?"



Au selapita: Yosepe hanapola:  
sao koiya napolo wa:la:lopela:  
tiyapola:, Yesu i palawa fake  
tiye, tiyapola: hanapola:,  
sao koiya napolo wa:la:ya  
amoke Yesu sako  
tiyapola: tiye  
hanapola:, etewa  
apana puwano

ta:la emi Yesu  
tuwapokeye.  
Tuwapola: apola:,  
apana sulu  
etapema:na:pela:,  
etewa sosolo pale  
kepele tiye hanapola:,  
apana uwalokemi  
etapeyakeye.



Ha:le tesene ikila amowa  
hetetiyapose piwemi, nano ketea  
sopoke kekene tiye tiye  
tikeye. Tiye ti oka itapa  
tepela: pilisiti sena  
sosowala, Felesi  
senawana, Pailate  
elakemi kekenese  
selese,



"Piseiki, Niyawa nano ketea weyamo  
matanekeye. Mokopo selesene  
sena Yesuwa seta:  
kulumake Eyewi selese,  
'Newa kuluwa ikila  
usulupe itapa  
tepela: mene  
tesima:na:keye,'  
au selesapekeye."




"Au selapita: iwa hanapola:  
etewa apeya etapeyawa  
koloyetima:pekise yesi  
sita:nekeye. Aluse  
yesipela: elape apola:  
sena ta:le tiyewi  
pota: sita:pesita:  
apolowayakeye."



Ha:le tesene oka kotetiyapita:  
tomowemi mo heli ikiwatapita:  
kiapo Makatala kesale  
Meliwala, Meli nowana  
apana potapose hapakeye.  
Ikila emi ela:pe kipila  
henene sosolo inise,  
hepene falemi tese  
Piseiki Koteyewi

hepene senawa  
inapola: ...



... etewa apeya apana isu tenamo  
etapeyawa kepele tiye hema apola:  
Hepene senawa sena ta:le  
tiyewi potose sosolo ipilise  
howa hanose kiwa pipilise  
kuluwamuna  
telakeye.



Aputa: hepene senayewi kesalema  
selese, "Kesale ka:ko: ipipa. Neyewi  
matanekamakiwa ka:tawa  
Yesuwa iwemi papela:  
sanose kuluwa potapose  
keye inatakeye.  
Yesuwa weyemi ma  
elatapo."



"Eyewi Ene selese, 'Newa mene tesima:na:keye,' au seyawa kamunakeye. Ewa toma tuwapo itapa telawa potapose ka:ko: mina."




Au selapita:, kesale a:ko: howa hanose  
sosolo epelese apanawa iya:pela:, sena  
ilipe hanosema selapose kipila  
hapakeye. Hanapita: potapola:  
ikila emiwa kipila ela:pe Yesuyewi  
a:ko: ko:luye tise inapola:  
selese, "Kiapo, ka:ko: hopola  
sita:latipa:."



Au selapita: a:ko: inapola: kuniu  
kula:walopela: ka:la:lopela:la:  
Yesuwa onatuwemi tiye ela: Ewa  
wapiyakeye.





Sikape, sena ilipe hanosene kenenipe tepolowemi ma:na: na:sela: ka:la:lopelelapita: potapola:, iyewi Ewa popita: Yesu iwa ka:la:lopela:ne hetetikeye. Alake sena kesale nokamoke Yesu teisa:pewa papokeye au seyawa, iyewi eta: seli ta:timanase Yesuyewi ima selese, "Kiwa ko:yale? Kiyewi matanema:na mapolosewa ko:lupita: e seya:?" au seyakeye.

Piseiki Yesuyewi ima nano selese itapa tepela:, Ewa hepene falemi tese Koteyewi silikeye. Silinase Ewa Kote tiya:le ili tapowemi helakeye.



Alake peleya: sosolo we sena  
kesale sopoke sita:newa Koteyewi  
himu hapa sosolo matananase Ene  
E Sa:le semeteiwa kamona  
hamona seyakeye. Hamonapita:  
Ene E Sa:le minakeye.



Inapita: sena kesale eta:wiye  
Ewemi himu semetei matanepela:  
sita:newa kokolo kao  
sitalaposakeye. Iwa  
maolokeyatepesakeye.



### Romans 3:23

Sena kesale sopoyewi olokeyatela timinisekeye. Kotewa hene heneye ho:liya seli enenase, E ho:liya napowa sena kesale sopoke hepe tepela: sitalakeye.

### Romans 6:23

Aputa: mane olokeyatela amoke ene tima:na: tisene senama nano wa:la:ya hepe kinisekeye. Nano wa:la:ya hepe amowa kulu epakeye. Alawamona, Koteyewi ene E sena kesalema kokolo kao tesewa mokopo kinisekeye. Piseiki Yesu Kelesowemi niyawa opola: ela: sitalaleke, Yesu Keleso emi Koteyewi kokolo kao tesewa nima kinisekeye.



## Hebrews 9:27

Aluse nano ketea hetetima:na:wa Koteyewi ta:pele tiye apoyawa wekeye. Sena ikila semetei kulusekeye. Senawa kulapita: sikape Koteyewi takalepela: kotopela: takalepesakeye.

## Ephesians 2:8,9

Alake Koteyewi niwa napola: tese mokopo seselanase niwa mene silikeye. Kiyewi kimene kemi mene eta: silimakeye. Mene silisewa Kelesoma himu semetei matanepela: sitalaleke, Koteyewi mokopo mene silikeye. Kiyewi mane napolo tiyapita: Koteyewi mene eta: silimakeye. Amowa Koteye mokopo mini keteakeye. Eyewi kiwa mene silinase, kiyewi kili unuwa wapolise mene solose selapa. Kiyewi kili timiya amoke mene eta: silimakeye. Koteyewi E semeteiyewi kiwa mene silikeye.



## Romans 10:9,10

Keyewi selese, "Piseiki Yesu Ene ekeye," aluse selapitekiwa, keyawa himu semetei esa: matanepela:, "Koteyewi teisa:pewa Yesu Ene ekeye." Aluse himu semetei esa: matanesaleke, kewa Koteyewi mene siliyaposakeye. Olokeyatela tisene amo tapo Koteyewi kewa mene siliyaposakeye. Senayewi e himuyewi Yesu Kelesoma matana amunuse Koteyewi potose selese, "Sena amowa hekeya elakeye." Apula: sena himuyewi matanese meatewi selese, "Yesu Kelesoma neyewi himu semetei esa: matanepela: elakeye." Au selapita: sena amowa Koteyewi mene siliyaposakeye.



## John 3:16,17

Alake peleya: sosolo we sena kesale sopoke sita:newa  
Koteyewi himu hapa sosolo matananase Ene E Sa:le  
semeteiwa kamona hamona seyakeye. Hamonapita: Ene E  
Sa:le minakeye. Inapita: sena kesale eta:wiye Ewemi  
himu semetei matanepela: sita:newa kokolo kao  
sitalaposakeye. Iwa maolokeyatepesakeye.  
Kote Ene E Sa:yewi senala: falasima:na:pela: eta:  
minamakeye. Senala:wa mene silima:na:pela: hamona  
seyakeye.



## 1 John 5:11-13

Nano Koteyewi wayawa wekeye. Eyewi kokolo kao tesene falela amowa nima mikeye. Kokolo kao tesene falela amowa niyawa Kote E Sa:wemi tikeye.

Kote E Sa:le Yesu Kelesowemi kulupela: ela sena kesale amowa kokolo kao tesene falelawa tikeye. Alawamona, Kote E Sa:wemi eta: kululama elaleke, sena kesale amowa kokolo kao tesene falelawa eta: tima elakeye. Kote E Sa:le Yesu Kelesowalapulu matana semetei elaleke, kiwa kokolo kao tesene falelawa tikeye. Amowa, kiyewi matanemita:, Yone neyewi sawi we kima momate tiye ilikepilakeye.



Ma:tiu 26-28; Luki 22-24; Yone 13-21

Storyline by: Edward D. Hughes

Illustrated by: Janie Forest  
and Alastair Paterson

Adapted by: Lyn Doerksen

Kasua NT (khs) © 2016, Wycliffe Bible Translators, Inc.  
All rights reserved.

<https://www.bible.com/bible/1566/MAT.1>

©2025 Bible for Children, Inc.

[www.M1914.org](http://www.M1914.org)

[www.bibleforchildren.org](http://www.bibleforchildren.org)

